



PARAU FA'AARARA'A NĀ TE MAU VE'A #13

'E piti ta'ata ma'i 'āpī tei 'itehia 'i teie mahana i mara'a roa ai 'i ni'a i te fāito 39 ta'ata tei ro'ohia 'i te ma'i COVID-19 i te fenua nei. Mai te 'omuara'a 'o teie ma'i 554 ta'ata tei hi'o po'ahia. Hō'e noa ā ta'ata 'e vai nei 'i te fare ma'i. 'E te parau 'oa'oa, 'aore ā ta'ata i fa'aru'e mai.

'I teie mahana te toe nei ā te mau pâruru vaha 'e fa'a'ohipahia nei 'e te mau taote tâpû. No te tahi atu mau pâruru vaha, ua poro'i te hau fenua 'i te reira 'i te fenua Tinito.

Te mau nūmera 'i teie mahana

Taatoara'a o te mau taata tei ma'i hia i te COVID-19

39

Rahira'a taata tei ma'i hia i te COVID-19 e o tei tapea hia i te fare ma'i

- no teie taimē

1

- mai te haamatara'a no teie ma'i

3

Rahira'a taata tei raapa'u hia i roto i te piha raapa'ura'a ma'i fifi


0

Rahira'a taata tei farue mai no te ma'i COVID-19

0

Rahira'a taata tei ma'i hia i te COVID-19 i Porinetia farani nei mai te omuara'a mai

Fig. 1. . Rahira'a taata tei ma'i hia i te COVID-19 i Porinetia farani nei mai te omuara'a mai



No roto mai : Piha hiopoara'a i te mau ma'i, Faaterera'a nui no te ea

Te mau terera'a manureva : Shanghai 'e 'i roto 'i te mau motu

Te parau no te terera'a manureva 'i Shanghai, te pāpū roa mai ra te reira. No teie tere mātāmua, 'ua tape'ahia mai te manureva 'a te taiete ATN, no te haerera'a 'e ti'i i te mau tauiha'a 'e hina'arohia ra nō teie ma'i COVID-19. 'Ua horo'a to te fenua Tinito i te mau parau fa'ati'a no te fa'atau 'i te manureva io rātou ; te fa'aho'ihia mai ra te mau tao'a 'o ta tatou 'i poro'i. 'E rave rahi atua fenua e poro'i ato'a nei 'i ta ratou mau tauiha'a 'i te fenua Tinito.

'Ua fa'ata'a ato'a te Hau Fenua 'i te tahi mau tere manureva na te mau motu. 'E'ita teie mau manureva 'e rave 'i te mau horo pātete, 'e mau tere ra teie no te utara'a i te mau 'ohipa rû e hina'arohia ra i roto 'i te mau motu e 'aore ra no te feia ma'i. Te tupu nei ā te mau 'apara'ura'a no ni'a i te ho'e tere manureva Paris – Papeete i te mau hepetoma ato'a.

Niuniu i fa'ata'ahia nā te huirā'atira

Te tāmāu nei tō te pū hi'opo'ara'a ma'i 'i te mana'o e, 'e mea titauhia ia fa'arohia te fa'ahepora'a i te fa'aeara'a fare 'inaha te tāmāu nei te tiro'oro 'o te ma'i covid-19 'i te parare.



'Ua fa'ata'ahia te ho'e niuniu ta'a'ê **COVID-19**, te **444.789**, 'ia nehenehe 'outou ia fa'a'ite i to 'outou mau mana'o nô ni'a i te mau 'ohiopa tâ 'outou 'e ora ra i roto 'i teie tau ma'i.

'E rave rahi 'outou 'e uiui nei nô ni'a i te faufa'a 'i te fa'aroa 'i tei tau 'opanipanira'a, 'naha, 'e mea iti roa te ta'ata 'i ro'ohia 'i teie ma'i.

'E 2 â nûmera tei fa'ata'ahia, te 40 46 00 47 nô te mau fifi i te pae o te inura'a 'ava 'e te ra'au ta'ero. Te nûmera 40 47 35 00 nô te 'ape'era'a i te mau vahine hâpû...

Te 'ati pohe 'e tōna mau fa'anahora'a

Mai te 'ōmuara'a ô teie ma'i **COVID-19**, te hiti pinepine nei te parau no te mau fa'anahora'a 'e titauhia ia tatou ia rave, ia fa'aru'e noa mai te ho'e ta'ata. Te feruri 'amui nei te Hau Fenua e te Hau Nui 'i te ho'e fa'anahora'a 'e au 'i te ta'ato'ara'a. Te pohe na roto 'i teie ma'i pe'e, 'e te pohe nô te tahi atu tumu.

'Ia fa'aru'e noa mai te ho'e ta'ata 'i te fare ma'i, na roto 'i teie ma'i, 'E tu'u 'oi'oihia te tino pohe 'i roto 'i te 'afata. 'E'ita te feti'i e 'ite 'i te tino pohe 'o tō ratou feti'i. 'E huna 'oi'oihia teie tino pohe.

Nô te ta'ata 'e fa'aru'e noa mai nô te tahi atu tumu, 'e fa'aiti roa hia te ta'ata i te hiti ô te 'afata. 'E titauhia te ta'ata ia fa'atura 'i te ateara'a te tahi e 'i te tahi. Te feruri nei ra, te Hau Nui, te Hau Fenua ma te turuhia e te mau ti'a nô te mau Etaretia nô te fenua nei i te tahi fa'anahora'a e au i te ta'ato'ara'a.

Nô te parurura'a ia tatou: te mau rimarima

'E'ita te mau rimarima uaua e fa'ahepohia, nô te fa'ahoro 'i tō 'outou pèrè'o'o, tō "outou « Vespa » e 'aore ra no te haere i te fare toa. E mea faufa'a 'ore teie mau rimarima. E mea hau a'e ra i te horoi i te rima na mua e i muri mai i ta 'outou 'ohipa.

Te parau no te feia nohora'a 'ore no Papeete

'Ua hau i te 200 ratou 'i ha'aputuputuhia i roto e 4 fare nô te 'oire pû. 'Ua riro teie mau ha'aputuputura'a i teie feia 'ei rave'a 'eiaha teie ma'i ia parare. Te rave nei te mau piha totiare e te mau ta'atira'a i te mau rave'a ia ô mai teie mau ta'ata i roto i te fa'anahora'a totaiete.

Te ARAIRA'A 'i teie ma'i. 'E mea faufa'a 'ia fâaha'amana'ohia, 'e'ita teie tiroiro 'e parare noa, nā tātou ra 'e ta'ita'i nei iana no reira tatou 'e titauhia ai, ia fa'aea 'i te fare.

MĀURUURU E FA'AITOITO